

քով, հրապարակային նշանակութիւնից զուրկ էին այն անհատական պարագաները, որոնք նրա վերոյիշեալ օրադիրների գլխաւոր բովանդակութիւնն են կազմում. ապա՝ նաեւ նրա համար, որ նրանց հրատարակութեամբ ես թերեւ երկուսին էլ վնասած լինէի: Այնպէս որ այդ օրագիրները մինչեւ այժմ էլ իմ ձեռքում են մնացել, որովհետեւ յարմար առիթ չներկայացաւ՝ կրկին Երեւան ուղարկելու...

«Արովեանը իր վերջին ֆամիլիում գրում էր ինձ, որ վնոել է ռուս-պետական ծառայութիւնը քողմել, եւ որ մտադիր է քաշուել Հայաստանի ներսերը՝ իր հայրերի օրինակով հողագործութեան նուիրուելու եւ դրանով ապրելու, որովհետեւ իր աննշան եկամուտները չեն բաւարարում քաղաքի պահանջներին, եւ որ, առհասարակ, իր վիճակի բարեկամանը շարունակել սպասելը իրեն էլ աւելի մեծ թշուառութեան դիրկը պիտի նետի:

«Անճական ցաւալի փորձառութիւններն էին այդ տաղանդաւոր ու ջանասէր մարդուն նման որոշման յանգել տուել: Նրա կեանքի պատմութիւնը աւելի քան նշանակալից է, այնպէս որ ես չեմ կարող չհաղորդել նրա մի քանի գծերը:

«Արովեանը ծնուել է այս դարու սկզբներին՝ Երեւանի մօտ գտնուող մի գիւղում, որի անունը ես մոռացել եմ, չքաւոր ծնողներին՝ յարկի տակ: Եւ որովհետեւ դեռ մանուկ հասակից նա ուսման մեծ սէր է ունենում, ուստի եւ շատ վաղ բերում է էջմիածնի վանքը, այնտեղ հոգեւոր կոչման համար նախապատրաստուելու նպատակով:

«Արարատի ստորոտին դանուող այդ հինաւորաց ու հռչակաւոր, Պատրիարքանիստ վայրում այն ժամանակ իշխում էր Եփրեմ Կաթողիկոսը: Սա մի նառն, գոռոզ մարդ էր, որ խիստ կարգ ու կանոնի տակ էր դրել վանականների եւ սաների արտաքին կեանքը, պահանջելով ձեւականութիւնները եւ ատում էր

5) Արովեանի ծնողները, յայտնի է, բրնաւ չքաւոր չեն եղել, այլ գիւղի (Քանաքեռի) բարեկեցիկ — բարդատաբար հարկաւ — անդամներ: Նրանց տոհմին է վերապահուած եղել նաեւ Ք-ի ժառանգական գիւղապետութիւնը:

ամէն մի ճշմարիտ մշակոյթ եւ գիտութիւն): Իր սեփական գիտութիւնը նա միշտ ծածուկ էր պահում, իսկ նրա եպիսկոպոսների ու վարդապետների թւում ամենէն գիտուն մարդու հռչակ ունէին նրանք, որոնք հաղիւ քիչ-չատ հասկանալ կարող էին Ս. Գրոց դարաբար թարգմանութիւնը:

«Այն ժամանակները (էջմիածնի) վանքը տակաւին չէր կրում եւրոպական մշակոյթի գիմակը, որ նա այնուհետեւ, կայսերական տան մի քանի անդամների այցելութիւնից յետոյ, առել է իր դէմքին: Արովեան պատմում էր ինձ եւ Ռ-ին (Ռոզէն), մեզ էջմիածին ուղեկցած միջոցին, թէ մի տեսակ սառը քրտինք է գալիս վրան, երբ նա ամէն անգամ ոտքը հինաւորաց պարիսպներից ներս է դնում, — այնչափ սահմուկեցուցիչ են եղած իր այն տպաւորութիւնները, որ նա ստացել է այնտեղ՝ տակաւին մանուկ հասակից, եւ որոնք այնուհետեւ չեն անհետանում իր յիշողութիւնից: Նրա՝ Արովեանի անյաշող փորձերը գանազան անգամներ, փախչելու վանքից, առիթ են ծառայել, որ նրա հանդէպ աւելի եւս խիստ վերաբերմունք ցոյց տրուի, քան առաջ:

«Եւ այսպէս, նա մեծանում է արցունք թափելով, աղօթելով ու պահեցողութեամբ մի այնպիսի միջավայրում, որ բթացնում է ամէն ազնիւ ինչ, որ զարդացնում է անբնական հակումներ: Այդտեղից Արովեան հետը դուրս չէ տանում ոեւէ օգուտ, բացի գրաբար լեզուի փոքր ինչ ծանօթութիւնից: Նա դարի (Diakon) աստիճանին էր հասած, երբ Գորպատի հռչակաւոր պրոֆեսոր Պարրոտը 1829 թուականին Հայաստան է գալիս, Արարատ սարը բարձրանալու առաջադրութեամբ: Պատահականութիւնը նրան եւ Արովեանին քով-քովի է բերում, Արովեան այնպիսի լաւ տպաւորութիւն է թողնում Պարրոտի վրայ, որ սա չէ կանդնում եւ ոչ մի դժուարութեան առաջ՝ նրան որպէս իր ուղեկից հետը առնելու, երբ նա արդէն իսկ յաղթահարել էր այն միւս դժուարութիւնները, որ իր պարքն էր սեպում առաջացնել բարձր հոգեւորականութիւնը առհասարակ:

6) Արովեանի՝ իր, ինչպէս նաեւ Հաքըստ-հաւազէնի տեղեկութիւնները Եփրեմ Կաթողիկոսի մասին այլ են: